

Broj: 04-33-7054-2/24
Sarajevo, 23.12.2024. godine

Federalno ministarstvo zdravstva, rješavajući po zahtjevu GALVANORM d.o.o. Konjic, u predmetu utvrđivanja ispunjenosti uvjeta za promet otrova na veliko, u skladu sa odredbama čl. 17. i 18. Zakona o prometu otrova ("Službeni list RBiH", br. 2/92 i 13/94), a u vezi sa članom 200. Zakona o upravnom postupku ("Službene novine Federacije BiH", br. 2/98, 48/99 i 61/22), d o n o s i

RJEŠENJE

Odobrava se privrednom društvu **GALVANORM d.o.o. Konjic**, sa sjedištem u Konjicu, ul. Donje polje broj 42., obavljanje djelatnosti prometa otrovima na veliko u Federaciji Bosne i Hercegovine, i to u poslovnom prostoru za skladištenje otrova koji se nalazi na adresi sjedišta firme.

Obrazloženje

Ovom ministarstvu obratilo se privredno društvo GALVANORM d.o.o. Konjic, sa sjedištem u ul. Donje polje broj 42. Konjic, sa zahtjevom za utvrđivanje ispunjenosti uvjeta za promet otrova na veliko, u skladišnom prostoru koji se nalazi na adresi sjedišta firme. Saglasno svojim ovlastima, federalni ministar zdravstva je imenovao Stručnu komisiju za ocjenu ispunjenosti uvjeta rješenjem broj: 04-33-7054/24 od 16.12. 2024. godine.

Dana 20.12.2024. godine, Stručna komisija ovog ministarstva izvršila je uvid u prostor i opremu, te ispunjenost uvjeta za kadar kod podnosioca zahtjeva i zapisnički konstatirala da su ispunjeni uvjeti za obavljanje djelatnosti uvoza i prometovanja otrovima, a saglasno čl. od 17. do 24. Zakona o prometu otrova ("Službeni list RBiH", br. 2/92 i 13/94), kao i odredbama Pravilnika o tehničkim i sanitarno-tehničkim uvjetima koje moraju ispunjavati organizacije udruženog rada koje se bave prometom otrova ("Službeni list RBiH", br. 2/92 i 13/94, „Službene novine Federacije BiH“, broj: 60/07). Promet otrova podrazumijeva opremanje otrova, skladištenje, uvoz, izvoz, prodaju i svaki drugi način stavljanja otrova u promet, a saglasno članu 2. Zakona o prometu otrova.

Zapisnik broj: 04-33-7054-1/24 od 23.12.2024. godine je sastavni dio ovog rješenja.

Imajući u vidu naprijed navedeno odlučeno je kao u dispozitivu.

Ovo rješenje je konačno u upravnom postupku i protiv istoga se ne može izjaviti žalba, ali se može pokrenuti upravni spor kod nadležnog kantonalnog suda, u roku od 30 dana od dana njegovog prijema, a u skladu sa čl. 5. i 18. Zakona o upravnim sporovima ("Službene novine Federacije BiH", broj 9/05).

MINISTAR

Dr. Nediljko Rimac

DOSTAVLJENO:

1. GALVANORM d.o.o. Konjic
ul. Donje polje broj 42.
2. Evidenciji
3. Arhiva